

Hozciz Minzcwnnggiz Cingz Nangh Lwgnyez Louzyouq

河池民政局情系留守儿童

3 nyied 23 hauh banringzgvaq, Hozciz Si Yizcouh Gih Minzcwnnggiz caeuq Yizcouh Gih Daihngieh Siujyoz lienzhab haiguh aen hozdung “sim fwngz doxyien, hungmaj angqyangz” lwgnyez louzyouq doxyaez.

Mbat hozdung neix 36 boux lwgnyez louzyouq haenx daj gak aen nienzgaep daeuj. Gih minzcwnnggiz lingjdauj caeuq lwgnyez louzyouq haenx caenciet damzsim lij hawj gyoengqde soengq yunghdawz hagsib, aen hag neix sausen daduiveij vih lwgnyez louzyouq haenx biujyienj aen cezmuuz “yiengq daenggoenz hungmaj ba”.

Doeklaeng, gyoengq vunz camgya hozdung haenx itheij caeuq gyoengq lwgnyez louzyouq haenx gvaq ngoenzseng cizdij, gyoengq lwgnyez boq labcuk, gat dangauh, gag mieng naemjnyienh, nyinhcaen sij gajnaemjnyienh, nem youq gwnz gofaex simnaemjnyienh.

(Cinz Yinghlingz/覃英玲)

► Caez ciengq go ngoenzseng.



▲ Hwnjdangz yienhciengz.

Siengcouh: Hawj Minzcungh Hagseng Hwnj Dangz Gingjsi Gyauyuz

象州:给民中学生上警示教育课

Vih hawj daihlaeng ndangcangq hungmaj, hawj gak minzcuz lwgnyez daj iq laeb miz ndangseuq vih goeng, swhsienj ndei souj fap. Geij ngoenz gonq, Siengcouh Yen Genjcazyen cujciz Yen Minzcuz Cunghyoz hagseng daengz Yen Genjcazyen Fuengzre Cizvu Famhcoih Gingjsi Gyauyuz Gihdi, yiengq gyoengq lwgnyez gaisau le daj banlaux daengz seizneix doengh boux vunz ndei ndangseuq vih goeng haenx, yiengq gyoengq hagseng gangjgej le deng mizgven bumwnz cawqleix gvaq doengh bouxguen dam'aeu haenx, doenggvaq yawjgonz sawj Minzcuz Cunghyoz gyoengq hagseng yawj ndaej gyae yawj ndaej gvangq lo, demlai le cihsiz, bouxboux cungj naeuz aeu nyinhcaen doegsaw, hung le guh boux ndei gunghminz soujap he.

(Liu Bwnjvei/廖本惠 Sung Saugyangh/宋绍江)

Dingomak Banggungz Soengq Hohgungzhoj

扶贫果苗送贫困户

3 nyied 21 hauh daengz 22 hauh, Gunghcwngz Yauzcuz Swciyen Dangjsij Fangciban vih aen yienh neix Sihlingj Cin Yasung Cunh Mbanjyamo z hohgungzhoj soengq dingomak sanhvazlij 1080 go, moix hoh 60 go. Aen yienh neix Dangjsij Fangciban gunghcoz yinzyenz lij haeuj ndaw reihnaz bae, saeddieg liujgaij caeuq genjcaz hohgungzhoj ndaem mak cingz-gvang, lij guh ndei dajndaem caeuq guenjeix mizgven gisuz cijdauj. Aen danhvei neix “yiengh cauhlwed” bang-gungz, demgiengz le gij saenqsim hohgungzhoj vutgungz baenzfouq.

(Cwng Ciminj/郑智敏)



▲ Dawz dingomak soengq daengz fwngz.

Luzcai: “Gunghcangj Ganq Gyaj” Haeuj Seiznyaengq

鹿寨:“育秧工厂”进入繁忙期



3 nyied 24 hauh, Luzcai Yen Cunghdu Cin Hinghyangz Nungzgi Hozcozse vunzlai youq ndaw gunghcangj ganq gyaj nyaengq-foedfoed, gyoengq vunzlai dawz haexceh caeuq bwnh doxyaux hwnjdaej, doenggvaq aenganqgyaj soengq haeuj ndaw buenzgyaj bae, yienzhaeh cienj haeuj ndaw dabungz bae gung go'gyaj. Gihgi ganq gyaj doek-daemq swnghcanj cingzbonj, daezswng yauyiz go'gyaj, hix ndaej gyavaiq yamqhaej gohaeux swnghcanj cenzcwngz gihgaiva.

(Lai Genveih/赖建辉)

◀ Gunghcangj ganq gyaj nyaengq-foedfoed.